



Concept da menaschi

LUMPAZI

Meisa da miezdi Breil

1. Organisaziun

1.1. Situaziun da partenza

Cun la cunvegna dils 24 da fenadur 2024 ha la scola Breil surdau l'organisaziun dalla meisa da miezdi alla canorta LUMPAZI. Quest concept da menaschi amplifichescha il reglament da structuras dil di SB e cumpeggia sulettamein la purschida d'assistenza sur miezdi (Art.2 SB_reglament structuras dil di).

1.2. Purschida

La purschida da meisa da miezdi stat a disposiziun a tuts affons dallas scolas Breil.

La meisa da miezdi ei aviarta gliendisdis, mardis, gievgia e venderdis naven dallas 11.45 entochen las 13.30 uras. Sch'il basegns ei avon maun sa la meisa da miezdi era haver liug la mesjamna.

Il affons vegnan surveglai e provedi cun ina tschavera calda enteifer il temps da miezdi.

1.3. Localitads

La meisa da miezdi ha liug en casa da scola a Breil el foyer avon l'aula. Il affons setegnan si el foyer, en halla da gimnastica ni sin il plaz scola tenor indicaziun dil personal d'assistenza. La scola Breil decida sur da las localitads messas a disposiziun per la meisa da miezdi.

2. Administraziun

2.1. Annunzia

Il affons vegnan annunziati alla meisa da miezdi entras lur geniturs. Affons san vegnir annunziati fix (mintga jamna ils medems dis) per igl onn da scola. Il talun d'annunzia vegn repartius e rimnaus entras la scola Breil. La scola informescha la meisa da miezdi sur da las annunzias fixas.

Igl ei era pusseivel dad annunziar il affons a moda flexibla – en gliez cass ei l'annunzia da far entochen il pli tard venderdis da miezdi per la jamna proxima. Annunzias flexiblas sco era midadas tier l'annunzia fixa ein da far exclusivamein sur Klapp tier „Meisa da miezdi SB“.

2.2. Absenzas

Viseta igl affon buca la meisa da miezdi eis'ei dad annunziar quella assenza alla meisa da miezdi.

Absenzas ein dad annunziar sur Klapp. Absenzas per l'instrucziun tschaffadas entras il geniturs vegnan tarmessas automaticamein alla meisa da miezdi.

Absenzas che pertuccan mo la meisa da miezdi ston vegnir annunziadas sur Klapp tier „Meisa da miezdi SB“.

Absenzas che sedattan ord activitads organisadas entras la scola vegnan annunziadas entras la scola alla meisa da miezdi.

Absenzas buca indicadas ordavon (entochen entschatta dall'instrucziun) vegnan quintadas sco presenza. Excepziun ei malsogna a cuorta vesta (sch'igl affon va a casa durant l'instrucziun). Talas absenzas ston vegnir indicadas aschi spert sco pusseivel.

El cass ch'in affon ei annunziaus alla meisa da miezdi, cumpara denton buca entochen las 12.00 uras el liug, vegnan ils geniturs informai sur Klapp. Ei vegn buca priu autras mesiras en quei cass.

2.3. Malsognas

En cass da maldispostadad digl affon sto el star a casa ed astga buca visitar la meisa da miezdi. Vegn in affon malsauns durant la meisa da miezdi, vegn ei priu si contact culs geniturs per telefon ed igl affon vegn silsunter tarmess a casa.

2.4. Exclusiun

La canorta Lumpazi ha il dretg dad excluder in affon dalla meisa da miezdi sche quei schai egl interess digl affon ni sche siu departament ei buca supportabels per auters affons e persunal d'assistenza. Ina exclusiun succeda suenter in discuors cun ils geniturs entras la meinafatschenta dalla canorta Lumpazi.

3. Tariffa e facturaziun

La facturaziun als geniturs succeda entras la scola. Tariffa: mira reglament structuradas dil di.

4. Persunas d'assistenza

Tuttas persunas che lavuran cun affons vegnan examinadas entras la controlla dil register penal. Quei succeda sur il departament social dil cantun entras examinaziun dil « VOSTRA-Behördenauszug 2 »

Il diember minimal da persunas d'assistenza presentas sedrezza suenter las annunzias fixas :

0-25 affons annunziai : minimum 2 persunas

25-40 affons annunziai: minimum 3 persunas

40-55 affons annunziai: minimum 4 persunas

>55 affons annunziai : minimum 5 persunas

5. Assistenza

5.1. Patratgs da basa

La meisa da miezdi ei temps da recreaziun per ils affons. L'assistenza sur miezdi ei supplementara alla structura da famiglia digl affon.

En emprema lingia vegn garantiu il provediment dils basegns basals.

Las persunas d'assistenza ein enconuschentas als affons ed entaupan els cun respect e capientscha.

Ils affons risguardan las reglas dalla convivenza e setegnan vida manieras da meisa. La meisa da miezdi duei esser camp d'emprender ed extender cumpetenzas socialas.

Las personas d'assistenza risguardan eventualas indicaziuns davart allergias (adatg era tier la salata!).

5.2. Activitads

Ils affons han la pusseivladad da s'occuppar cun differentas activitads durond la meisa da miezdi. Quellas cumpeglian (tenor situaziun persunala ed aura)

- ir giuado
- ir en halla
- occupaziun ruasseivla (ei vegn preparau ina pintga purschida ch'ils affons san far sco per exempel malegiar, far legns, zambergiar entzatgei etc.)
- studi

5.3. Studi

Ils affons han la pusseivladad da studi, pia da far pensums durond il temps da meisa da miezdi. L'assistenza cumpeglia buca in agid da pensums. Las personas d'assistenza procuran per in clima che possibilitescha als affons da seconcentrar sin lur pensums e stattan a disposiziun per damondas dils affons. Ellas ein denton buca responsablas ch'ei vegni fatg ils pensums da casa. Affons dil scalem superiur astgan far diever dil laptop dalla scola per far pensums.

5.4. Urari

Ils affons entran el foyer cura ch'il stgalin dallas 11.45 resuna. Naven da quei mument ein ils affons survegliai entras las personas d'assistenza.

La meisa da miezdi finescha dallas 13.00 per ils affons che han dad ir sigl auto da posta per Danis.

Per tut ils auters affons finescha la meisa da miezdi dallas 13.30.

Giavischan ils geniturs ch'igl affon vegni relaschaus pli baul ord la meisa da miezdi ston els annunziar quei sur Klapp. Senza annunzia entras ils geniturs vegn negin affon relaschaus pli baul.

5.5. Decuors

- 11.45 entschatta dalla purschida. Ils affons entran, laian giaccas, capetschas e turnisters en gardaroba e van a lavar mauns. Silsunter serendan els davos meisa.
- Avon ch'il gentar entscheiva sedecidan ils affons, cun tgei activitad ch'els lessan s'occuppar suenter gentar.
- Cura che tuts affons sesan davos meisa vegn ei fatg appell.

- Sin invit dallas personas d'assistenza stattan ils affons en colonna per ir per la salata. Tuttas spisas vegnan dadas ora dallas personas d'assistenza. Bubronda astgan ils affons survir sez.
- Cura ch'il gentar va alla fin envida la persona d'assistenza ils affons da metter giud meisa lur vischala. Ils affons stattan en colonna, portan lur vischala en cuschina, derschentan rests el sac da miardas, derschentan lur vischala e caveglian el canaster dalla macchina da lavar giu quella.
- Ils affons serendan anavos davos meisa ni directamein tier l'actividad elegida. Els s'annunzian giu tier la persona d'assistenza presenza el foyer e van directamein tier lur actividad.

5.6. Reglas per ils affons

- Avon che serender vid las meisas e suenter ch'il gentar ei magliaus lavan tut ils affons ils mauns e la bucca sch'ei fa basegns.
- Igl affon stat tier l'actividad elegida. Affons che han finiu da far pensums astgan serender tier ina dallas activitads. Sch'in affon sto ir naven dall'actividad ni dil gentar (per exempel sin tualetta), sto el informar la persona d'assistenza presenta e retuornar aschispert sco pusseivel.
- Ils affons astgan en negin mument s'allontanar giu digl areal dalla scola.
- En casa da scola, scalas, foyer vegn ei buca curriu e buca griu.
- Nus tolerein negina fuorma da violenza corporala ni psichica.
- Alla meisa da miezdi eis'ei buca lubiu da far diever dil telefonin, ipad ni auters apparats electronics (smartwatch, laptop etc.). Excepziun ei il diever dil laptop dalla scola per far pensums per affons dalla superiura. Sto in affon excepziunalmein contactar in genitur sa el dumandar ina dallas personas d'assistenza da telefonar (cul telefonin dalla persona d'assistenza).
- Avon che extrar dalla meisa da miezdi han ils affons da far uorden. Cheu vala il motto: tuts gidan tuts, nus fagein uorden ensemen.
- Ils affons vegnan relaschai dallas personas d'assistenza. Senza lubientscha dalla persona d'assistenza astga igl affon buca extrar dalla meisa da miezdi.

5.7. Diever dalla halla da gimnastica

- Tenor pusseivladad vegn la halla partida si en segments cun differentas pusseivladads da moviment (per exempel camp da ballapei, parcours da moviment, segment da ruassar). Las personas d'assistenza partan en la halla e decidan sur dalla puschida.

- Ei vegn priu ora negins uordeins gronds ni aults (rings, trampolin, scalera, barra, sugas da reiver si, buc).
- Bals da medischina vegnan buca priu ora. Bals da canaster mo per dar bal a canaster en in segment partiu giu clar dil rest dalla halla.
- Ils affons fan buca termagls en la stanza d'urdeins.
- La persuna d'assistenza dat ora ni survigilescha sch'ils affons prendan enzatgei ord la stanza d'urdeins.
- Mo la persuna d'assistenza astga far diever d'il compressur.

6. Quitaus e reclamaziuns

En cass da damondas e quitaus vegn priu si contact per Klapp cun la meisa da miezdi. Proxima istanza da reclamaziun ei la meinafatschenta dalla canorta Lumpazi. Dat ei difficultads che laian buca sligiar enteifer quellas istanzas, vegn il meinascola involvaus. Ultimas istanzas ein il cussegl da scola e meinafatschenta dalla fundaziun 'tür auf – mo vinavon' (purtadra canorta d'affons).